



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Philippi Servii Amicus Fidelis Usque Ad Mortem

Bouchy, Philippe

Coloniæ Agrippinæ, 1660

§. IV. Quomodo Amicus fidelis animet ægrum contra diffidentiam.

[urn:nbn:de:hbz:466:1-54799](https://nbn-resolving.org/urn:nbn:de:hbz:466:1-54799)

PARS PRIMĀ.

cum Psalmista : a Illumina Domine oculos meos , ne unquam obdormiam in morte ; ne quando dicat inimicus meus : pravalui adversus eum. b Credo Domine, adjuva incredulitatem meam. Interdum ubi vehementior erit tentatio, clamare poterit : Domine vimpator: responde pro me Vade Satana, vade Satana: abrenuncio tibi Satana , Et adhareo tibi Christe. c

Credo quidquid dixit Dei Filius,  
Nihil hoc verbo veritatis verius,  
Fac me tibi semper magis credere,  
In te spem habere, te diligere  
Credo, spero, amo.

§. IV.

Quomodo Amicus fidelis animet agrum  
contra diffidentiam.

**V**bi tentator nequissimus, tela sua omnia, licet ignea, fidei clypeo excepta, vel retusa, vel sine ictu esse videt;

a Psalm. 12. b Marc. 9. c Matt. 4

NO AMICI FIDELIS

videt; astu novo languentem impe-  
 rit, quemque solitis artibus non po-  
 suit in infidelitatē, novo molimine  
 pertrahere nititur in diffidentiam:  
 diffidentiam autem? immò etiam in  
 desperationem; præsertim si vita e-  
 jus antea facta fuerit inquinatior, sce-  
 leribusque gravioribus contamina-  
 ta: cuncta enim quæ, vel à puero pa-  
 trata sunt, in memoriam revocat,  
 itaque eorum gravitatem exaggerat,  
 ut tristitiã metuque horrendo mori-  
 bundum exanimet, & nisi, Deo bo-  
 no, Amicus fidelis citò citò suppe-  
 ctias ferat, veniæ spem omnem inter-  
 cidat.

Adeat ergo celerrimè Amicus fi-  
 delis, & primam hanc diffidentia  
 morbo medicinam comparet. Pro-  
 stat illa in Basilii & Augustini offi-  
 cinis, inde, si volet emere poterit vel  
 „ mutuari. Ille, ita ait: Si peccata &  
 „ magnitudine & numero possint  
 „ definiri, miserationes autem Dei,  
 „ neque magnitudinis, neque nume-  
 „ ro possint circumscribi, sine dubio

NON

non est cur desperatio adhibenda,,  
 fit, sed agnoscenda Dei misericor-,,  
 dia, & commissa peccata detestan-,,  
 da. Hic autem, ô homo, quicum-,,  
 que illam peccatorum multitudi-,,  
 nem attendis, cur & potentiam,,  
 cælestis Medici non attendis? cum,,  
 enim Deus velit misereri, quia bo-,,  
 nus est, & possit quia omnipotens,,  
 ille contra se divinæ bonitatis ja-,,  
 nuam claudit, qui Deum sibi mise-,,  
 reri aut non velle, aut non posse,,  
 credit, eumque aut bonum aut om-,,  
 nipotentem esse diffidit. Quis non,,  
 speret in Deum, qui non tantum mi-  
 sericors & miserator est, sed & ipsa  
 misericordia? *a Dominus misericordia  
 mea, canit David, cujus hæc suavissi-  
 ma vox est: b Felix qui non habuit animi  
 sui tristitiam & non excidit spe sua.*

Dubitanti de sua salute, revocan-  
 da sunt in memoriam, & altè impri-  
 menda verba illa Apostoli: *c Reconciliati sumus Deo per mortem filii ejus: quæ*

● G 2

aili-

*a Psalm. 15. b Eccl. 15. c Rom. 5.*

diligenti mentis trutinâ, æstimans  
 ,, Augustinus, ita exclamat: Quid  
 ,, misericordius intelligi potest  
 ,, quam ut peccatori, æternis tor-  
 ,, mentis damnato, & unde se redi-  
 ,, mat, non habenti, Pater dicat, ac-  
 ,, cipe unigenitum filium meum &  
 ,, da pro te: & ipse filius dicat, tolle  
 ,, me, & redime te. Quid justius  
 ,, quam ut Pater æternus peccatum  
 ,, dimittat illi qui pro debito suo of-  
 ,, fert pretium & pretium majus o-  
 ,, mni debito, quale est pretium san-  
 ,, guinis & mortis Domini?

Dicitur magnus ille Albuquer-  
 tius, cum in Indica navigatione, facta  
 admodum tempestas exorta esset, ni-  
 hilque jam propius esset quam ut  
 naufragium faceret, puerulum in  
 humeros sustulisse, ut animula illi-  
 us innocentis contemplatione, Del-  
 iram ad clementiam ac misericordi-  
 am inflecteret, illiusque inter se cæ-  
 lumque, opposita, tamquam clypei  
 cujusdam fortissimi, imminerent  
 capiti tempestatem resisteret.  
 Quid,

Quidni illum imitaris? ostende Patri  
æterno Filium ejus pro te flagella-  
tum, crucifixum, mortuum, & dic  
ei: *Protektor noster aspice Deus & respice in  
faciem Christi tui, in quo semper complaci-  
tum est tibi, cujus amore & contemplatio-  
ne miserere mei.*

Adhucne de salute restat dubita-  
tio? *Spera in Deo, & salvaberis. Salvos  
enim facit sperantes in se; & idè salva-  
bit, inquit a Psalmista, quia sperave-  
runt in eo. Dulcis causa, attamen effi-  
cax, attamen irrefragabilis, ait Ber-  
nardus, fundata nempe super chari-  
tate illius, qui sic dilexit h mundum,  
ut ei filium suum unigenitum daret;  
ut omnis qui credit & sperat in eo,  
non moriatur, sed habeat vitam æ-  
ternam; unde Paulus: c Fortissimum  
solacium habemus qui confugimus ad tu-  
endam propositam spem, quam, sicut an-  
choram habemus animæ, tutam & fir-  
mam; qua, nempe anchora, fluctuan-  
tis animæ naviculam medios inter  
tentationum fluctus titubantem*

G 3

COB7

a Psalm. 36. b Ioan. 3. c Hebr. 6.

confirmemus. *a Nolite itaque amittere confidentiam vestram qua magnam habet remunerationem.*

Magnus ille Indiarum Apostolus S. Franciscus Xaverius, id unum verabatur maximè, ne quando illum de affutura sibi Dei ope caperet diffidentia. Solet Deus misericordias suas super nos fiducia nostræ in illum mensura remetiri: hinc Propheeta Regius; *b Fiat misericordia tua Domine super nos; quemadmodum speravimus in te; id est (ut Theodoro placet) secundum spem nostram fiat nobis: sive, spes nostra in te, sit mensura misericordiarum tuarum in nos; & ut quisque in Dei fiducia maximè promoverit, ita maximos suavissimosque fructus ejus experiatur. Præsidentem habeo Bernardū sermone 32. in Cantica, ubi ait: quatenus in bonis Domini fiduciæ pedem porrexeris, eatenus possidebis.*

Superestne tibi alius qui mentem  
angatur

*a Hebr. 10. b Psalm. 52.*

angar, timoris scrupus? Audio. *a* *Multiplicati sunt, ais, qui oderunt me: b* *calcaneum meum, vereor, observabunt.*

Præsto est Helix ad Elizeum responsio. *c* *Plures nobiscum sunt quam cum illis.* Præsens in primis aderit, luctantique servulo suo opem feret virago illa generosa, hostibus tuis terribilis ut castrorum acies ordinata. Aderit & Archangelus Michaël princeps à Deo constitutus super omnes animas suscipiendas; Angelus verò qui te jam inde à primis unguiculis in fidem ac tutelam suam accepit, ita tibi continenter aderit, ut ne latum quidem unguem à latere uno unquam discedat.

Aderunt & Patroni cælités, præsertim quos honore cultuque præcipuo deveneratus fueris. Taceo ex Hierarchiis, Ordinibusque Sanctorum innumeros alios, tam de salute nostra sollicitos, quam de sua jam securos.

● G 4

Tan-

*a* Psalm. 37. *b* Psal. 55. *c* 4. Reg 6

*a* Tantummodo confidenter stare, dicebatur olim populo Dei, & videbitis auxilium Domini super vos. Idem tibi dictum puta. Audio quid rursus objicias: timere te iudicium illud, quod absque ulla temporis intercedente, mortem ipsam subsequetur; ubi æqual lance, causam momenta expendet Iudex ille, in cuius manus incidere horrendum est.

Si malè tibi à Iudice metuis, quare de Advocato tuo melius non ominaris? qui enim Iudex idem & Advocatus, *b* Si quis peccaverit, Advocatum habemus apud Patrem Iesum Christum justum: & ipse est propitiatio pro peccatis nostris. Ille est ad dexteram Dei, inquit Paulus, qui etiam interpellat pro nobis: Ullusne de Advocati talis fidelitate dubitandi locus! *c* Deus qui iustificat, quis est qui condemnet?

Age igitur, & si à Iudicis tribunali vindicias metuis secundum servitutem; ad propitiatoris, dum adhuc licet,

*a* 2. Paral. c. 20. *b* 1. Ioan. 2. c. Rom. 8.

licet, tribunal provocet, & dubio  
 procul, ab eo vindictas accipies se-  
 cundum libertatem: ipse enim, a sa-  
 ctus est nobis *justitia, sanctificatio, & re-  
 demptio*. Dic fidenter: *Domine JESU,*  
*pone crucem tuam inter iudicium tuum &*  
*animam meam, & salvus ero*. Dic cum  
 B. Anselmo: *Domine, si puritatem*  
*meam mihi ademi, numquid miseri-*  
*cordiam tuam peremi? si commisi*  
*unde me damnare posses, tu non ami-*  
*fisti unde salvare soles; propter te-*  
*meripsum miserere mei*.

Scis quid de Deo Jobus diceret?  
*Etiamsi me occiderit, in eo sperabo*. Dic tu  
 saltem cum Davide. *c Ad te Domine*  
*animam meam levavi, Deus meus in te*  
*confido non erubescam: quis enim speravit*  
*in te, & confusus est?*

*d Si consistant adversum me castra, se-*  
*exurgat adversum me praelium, in hoc ego*  
*sperabo*.

*e Si ambulavero in medio umbrae mor-*  
 tis,

a 1. Cor. 1. b Job. 13. c Eccl. 2. d  
 Psalm. 26. e Psalm. 22.

ris, non timebo mala: quoniam tu mecum  
es.

22 Tributarer (canit Ecclesia) si nesci-  
22 rem misericordias tuas Domine: tu di-  
22 xisti, nolo mortem peccatoris, sed  
22 ut magis convertatur & vivat.

22 Qui Chananzam & Publica-  
22 num vocasti ad pœnitentiam, ne  
22 despicias clamantem ad te, & in  
22 multitudine miserationum tua-  
22 rum sperantem.

Rex tremenda Majestatis,  
Qui salvandos salvas gratis,  
Salva me fons pietatis.

Recordare, Iesu pie,  
Quod sum causa tua viæ,  
Ne me perdas illa die.

Quærens me, sedisti lassus,  
Redemisti, crucem passus,  
Tantus labor non sit cassus.

Qui Mariam absolvisti,  
Et latronem exaudisti,  
Mibi quoque spem dedisti,  
Preces mea non sunt digna,  
Sed tu bonus fac benignus.

*Ne perenni cremer igne.*

*Inter oves locum presta,*

*Et ab hœdis me sequestra,*

*Statuens in parte dextra.*

*Confutatis maledictis,*

*Flammis acribus addictis,*

*Voca me cum benedictis.*

*Oro supplex & acclinis,*

*Cor contritum quasi cinis,*

*Gere curam mei finis.*

## §. V

*Quomodo Amicus fidelis, iuvet a-*  
*grum, ad repellendam vanam*  
*gloriam & presumptio-*  
*nem.*

**Q**uemadmodum Divinus Spon-  
sus, ad animæ nostræ, sponsæ suæ  
præsentiam, desideriiis iustus fidelibus,  
anhelat; ideoq; stat, modò ad osti-  
ejus, & pulsat, ut intret; modò demit-  
tit sese & curiosis oculis introspicit,  
sive per fenestras, sive per cancellos,

G 6

ue